



Na osnovu člana 61. stav 2. Zakona o upravi („Službeni glasnik BiH“ br. 32/02, 102/09 i 72/17), a u vezi sa članom 7. stav (1) i (3) i članom 8. tačka h) Zakona o radijacijskoj i nuklearnoj sigurnosti u Bosni i Hercegovini („Službeni glasnik BiH“ broj 88/07), direktor Agencije d o n o s i

ODLUKU

o vremenskom periodu na koji se izdaju autorizacije

Član 1.

(Predmet Odluke)

Ovom odlukom određuje se period na koji Državna regulatorna agencija za radijacijsku i nuklearnu sigurnost (u daljem tekstu: Agencija) izdaje autorizaciju:

- a) Za obavljanje djelatnosti tehničkog servisa za zaštitu od zračenja kategorije 1;
- b) Za obavljanje djelatnosti tehničkog servisa za zaštitu od zračenja kategorije 2;
- c) Za službe za zaštitu od zračenja;
- d) Za djelatnost posjedovanja i korištenja izvora jonizirajućeg zračenja iz člana 12. Pravilnika o notifikaciji i autorizaciji djelatnosti sa izvorima jonizirajućeg zračenja ("Službeni glasnik BiH" broj 66/10);
- e) Za djelatnosti sa izvorima jonizirajućeg zračenja iz člana 15. stav (1) Pravilnika o notifikaciji i autorizaciji djelatnosti sa izvorima jonizirajućeg zračenja, izuzev tačke d) navedenog stava;
- f) Za obnovu licence za djelatnost posjedovanja i korištenja izvora jonizirajućeg zračenja za specifičnu medicinsku djelatnost stomatološke rendgenologije sa dentalnim intraoralnim i ekstraoralnim uređajem;
- g) Za obnovu licence za djelatnosti s izvorima jonizirajućeg zračenja izuzev za djelatnost iz tačke f) ovog člana;
- h) Za obnovu registracije djelatnosti iz tačke d) ovog člana.

Član 2.

(Period na koji se izdaje autorizacija)

- (1) Za obavljanje djelatnosti tehničkog servisa za zaštitu od zračenja kategorije 1 period važenja licenci iznosi dvije godine od dana izdavanja rješenja.
- (2) Za obavljanje djelatnosti tehničkog servisa za zaštitu od zračenja kategorije 2 period važenja registracije iznosi tri godine od dana izdavanja rješenja.
- (3) Za službe za zaštitu od zračenja period važenja licence iznosi dvije godine od dana izdavanja rješenja.
- (4) Za djelatnost posjedovanja i korištenja izvora jonizirajućeg zračenja iz člana 12. Pravilnika o notifikaciji i autorizaciji djelatnosti sa izvorima jonizirajućeg zračenja

("Službeni glasnik BiH" broj 66/10) period važenja registracije iznosi pet godina od dana izdavanja rješenja.

- (5) Za djelatnosti sa izvorima jonizirajućeg zračenja iz člana 15. stav (1) Pravilnika o notifikaciji i autorizaciji djelatnosti sa izvorima jonizirajućeg zračenja, izuzev tačke d) navedenog stava, period važenja licence iznosi tri godine od dana izdavanja rješenja;
- (6) Za obnovu licence za djelatnost posjedovanja i korištenja izvora jonizirajućeg zračenja za specifičnu medicinsku djelatnost stomatološke rendgenologije sa dentalnim intraoralnim i ekstraoralnim uređajem period važenja licence iznosi pet godina od dana izdavanja rješenja;
- (7) Za obnovu licence za djelatnosti s izvorima jonizirajućeg zračenja, izuzev za djelatnost iz stava (6) ovog člana period važenja licence iznosi tri godine od dana izdavanja rješenja;
- (8) Za obnovu registracije djelatnosti iz stava (4) ovog člana period važenja registracije iznosi pet godina od dana izdavanja rješenja.

Član 3.

(Produženje registracije tehničkih servisa)

- (1) Na zahtjev tehničkog servisa kategorije 2 sve registracije izdate tokom 2020. godine, a koje važe godinu dana, Agencija će produžiti dodatno na period važenja od jedne godine.
- (2) Za produženje registracije iz stava (1) ovog člana nije potrebno dostavljati dodatnu dokumentaciju, osim izjave kojom se potvrđuje da nije bilo izmjena opštih i posebnih uslova u odnosu na predhodno izdatu registraciju.

Član 4.

(Prestanak važenja propisa)

Ovom odlukom prestaje da važi Odluka Agencije broj: 01-04-11-298/16 od 03.03.2016. godine.

Član 5.

(Stupanje na snagu)

Ova odluka stupa na snagu danom donošenja i objavljuje se na službenoj internet stranici Agencije.

Sarajevo, 10.02.2021. godine
Broj: 04-02-2-231/21

DIREKTOR
Marinko Zeljko

